

Visoki predstavnik produžio zabranu dodjele zemljišta u državnom vlasništvu

Jučer je visoki predstavnik, Paddy Ashdown, donio odluku kojom produžava zabranu dodjele zemljišta u državnom vlasništvu u BiH, koja je po prvi put uvedena Odlukom visokog predstavnika od 27. aprila 2000. godine. Zabrana je produžena do 15. maja 2003. godine, odnosno do početka primjene zakonodavstva kojim se regulira pitanje imovine u državnom vlasništvu, uključujući i bivšu društvenu imovinu te konkretno konsolidiranih i harmoniziranih entitetskih Zakona o građevinskom zemljištu.

Visoki predstavnik je u pismu koje je uputio bh. državnom Predsjedništvu, premijerima entitetskih vlada, predsjedavajućem Vijeća ministara i Ministarstvu za ljudska prava i izbjeglice na državnom nivou, apelirao na bh. organe vlasti da ubrzaju aktivnosti koje su već preduzele na usvajanju zakona kojim se osigurava istinska eliminacija diskriminacije u svim budućim slučajevima prijenosa vlasništva na zemljištu prema domaćim zakonskim procedurama te koji će poslužiti kao okvir za rješavanje spornih dodjela zemljišta koje su izvršene nakon 6. aprila 1991. godine. Nadalje, konstatirao je da je Radna grupa koju je formiralo Vijeće ministara ostvarila napredak u izradi zakonskih reformi te pozvao nadležna ministarstva, eksperte i parlamente da završe ovaj proces do isteka roka od 15. maja 2003. godine nakon čega će razmisliti o upotrebi svojih ovlaštenja u cilju donošenja odgovarajućih zakona.

Konačno, visoki predstavnik je ponovio svoju odlučnost da nadležnost za raspolaganje nad zemljištem vrati domaćim organima vlasti, ali tek po provedbi zakonskih reformi.